



UNIVERSITÄTS-
BIBLIOTHEK
PADERBORN

Universitätsbibliothek Paderborn

Flores Directorii Inqvisitorvm

Bariola, Luigi

Mediolani, 1625

Consilivm Decimvmnonvm.

urn:nbn:de:hbz:466:1-11434

AN Monialis illegitimè nata possit eligi, & assumi in Vicariam Monasterij.

Respondedò affirmatiuè, quoniam omnis irregularitatis macula per Religionis ingressum abstergitur, nec non per subsequentem professionem. *Glos. in auth. de Monachis, & præcipuè quæ oritur ex natalium defectu. cap. 1. de filijs præbit. Nauar. comm. 2. de Relig. num. 6.*

Confirmatur hoc idem neruosius, quia si natalium defectus obstat, ne possit eligi in Vicariam, vel prohibitio ipsa continetur in iure Canonico, vel in extrauagantibus Summorum Pontificum, vel tandem Constitutionibus, & Decretis peculiaribus sui Ordinis, ita cautum reperitur; sed quod tale non reperiatur in iure Canonico probatur.

Qui a non in titulis de Regular. transeunt. ad Religionem de Relig. domibus, vel de Regularib. non de statu Monachorum, & Canonicorum Regularium de electione, & electi potestate, nec in cap. Indemnitatibus in 6. tit. eodem, vbi Summus Pontifex longa verborum serie in illud præcipuè incumbit, vt eligendarum Monialium qualitates describat, nec non electionis faciendæ modum statuit, & decernit, nec tamen de natalium defectibus verbum facit; immo nec *Glos. nec Canonistæ super eisdem tit. & cap. 4.*

Quod autem non deducatur ex Summorum Pontificum extrauagantibus probatur, nam aliæ allegari non possunt præter binas Sixti V. 27. Nouembris 1587. & 21. Octobris 1588. At bullæ ipsæ, vt luce meridiana clarius apparet de solis viris religiosis

gios Regularibus, non autem de Monialibus disponunt, & loquuntur, neque aut potest, aut debet extendi ad Moniales, cum lex sit pœnalis, & odiosa. Cap. pœnæ de pœnit. dist. 1.

Confirmatur ex Moderatoria Greg. XIV. idibus Martij 1590. in qua sub initio aperte dicit. Quamplures viri, & litteris, & pietate insignes à Sancto proposito vitam ducendi regularem adducti, eò quòd honorum, & dignitatum incapaces redditi fuerint Constitutione Sixti V. non enim dicit mulieres, fœminæ, seu Moniales, sed Viri.

Adde Alphonsum à Sorbo Capucinum, in compendio priuilegiorum mendic. in verbo Nouititiis fol. 252. referentem Sixti V. Bullas, vna cum moderatorio Greg. XIV. & afferentem in ijs ipsis Bullis sermonem haberi de Viris tantum regularibus, non autem de Monialibus. Idem habet Io. Baptista Confectius in Compendio priuilegiorum Mendic. par. 2. cap. 4. de qualitate ad religionem recipiendorum fol. 329. & in calce eiusdem 2. partis quæ ad Moniales spectant tradit accuratè, nec tamen verbum, quod natalium defectus impedire possit talem electionem; Ita Stephanus Quaranta in summa Bullarij verbo Monasteria, & Conuentus Regularium virorum; Immo Gregorius XIII. prima Ianuarij 1583. præcipit Abbatissas, & alias Monasteriorum officiales eligi debere per triennium, nec tamen verbum vnum de natalium defectibus.

Sed neque ex Doctoribus, Monialium materiam, examinantibus id deduci potest, nam Summistæ in verbo Illegitimus, Monialis, Abbatissa, professio, Vicarius, Officialis, electio, nec verbum quidam de tali impedimento.

Adde Nauar. tam in Commen. de regular. quam

in Consilijs de regul. adde Alphonsum à Sorbo Capucinum in verbo Abbatis, Electio, Monialis, Professio. Adde Confect. in Compen. priuilegiorum, Mendic. locis præcitatatis &c.

Sed iniquies fortassis tale impedimentum habetur in eorum Constitutionibus.

Respondeo primò, me id difficillimè credere, quia nulla est, quod ego sciam, Regularium vtriusque sexus Constitutio, quæ talem prohibeat electionem.

Respondeo secundò, Patrem quendam eiusdem ordinis, & instituti peritissimum, ac prudentissimum oretenus mihi retulisse, Moniales de quibus in casu, non habere Constitutiones, & decreta, talem electionem respicientia.

Cum ergo, nec ex Iure Canon, nec ex Constitut. Pontificis, nec ex Doctoribus, nec ex eorundem Constitutionibus inualidari possit talis electio, concludendum est, quod legitimè, & canonicè possit eligi, & assumi ad officium Vicariatus, & præsertim cum habeamus consuetudinem fauorabilem, videlicet, quod Moniales illegitimæ fuerint semper electæ ad dignitates, & officia, & consuetudo est optima legum interpret. cap. Cum dilectus, de consuetudine, & dat iurisdictionem. Cap. Cum contingat de for. compet.

Quinimò consuetudo rationabilis, derogat Iuri positivo humano, Cap. Cum tanto, de consuetud. & quando est generalis ab omnibus seruanda est. C. Contra morem dist. 100. Ratio est, quia consuetudo est altera quædam lex, cap. Consuetudo dist. 10. Et cum est immemorabilis mutari non potest, Nauar. consil. 1. de restitut. spoliat. nec lege humana tolli potest. Cap. super quibusdam de verbor. signific. Nauar.

Nauar. comment. 4. de Regularib. numero 42.

Cum ergo ista consuetudo, & sit rationabilis (nam aliàs non tandiù perseuerasset) & sit generalis vbique enim practicatur, & sit immemorabilis, siquidem nullus scribentium aliquando insinuauit, quod Moniales illegitimæ non potuerint eligi ad dignitates, & officia, ergo consuetudo ista retinenda, amplectenda, & omnibus modis seruanda erit.

Addo etiam, quod in Monasterio Monialium S. N. Mediolani, Ordinis Sancti Benedicti Monialis quædam fuit per multos annos Abbatissa, & tamen natalium defectus patiebatur.

Addo finaliter Abbatissas quamplures N. Mediolani patientes defectus natalium officia cum regimine exercuisse, nec aliquando dubitatum, an id illegitimè fuerit factum.

Tandem Sac. Congreg. Episcoporum, & Regularium, multoties decreuit Moniales illegitimas posse eligi in superiores, non obstante Bulla Syxti V. ita Episcopo Spoleti 3. Ianuarij 1594. ita Episcopo Cortonæ 4. Octobris 1594. ita Episcopo Catari 21. Martij 1594. & ita sentio &c.

CONSILIVM VIGESSIMVM.

Retrus Laicus vxoratus, vellet pro filijs suis, & successoribus in propria domo Ius patronatum instituere ex pecunijs tamen Regularis Sacerdotis.

Quæritur an tuta conscientia id agere possit, an potius teneatur pecunias ad hunc effectum receptas restituere Religioni, cuius filius, & professus est Regularis ipse.

Respon-